

Aux Ministres de la

*pourquoy
noz nou-
ueaux fide-
les deman-
dent tous-
iours la
parole
expresse.*

expresse, et ne voulez rien receuoir qui ne soit expressement en l'Escripture? Quand à moy, ie ne puis penser autre chose, sinon que c'est pource que vous scauez bien, que tous les Docteurs de l'Eglise sont directement contre vous: et que si vous auiez vne fois gaigné ce poinct, qu' il ne fallust rien receuoir que ce qui est en l' Escripture, vous en ouureriez puis apres comme de cyre, et y formeriez à vostre guyse tel sens que bon vous sembleroit. Ce que vous monstrez bien par effect, ie parle aux Chefs et Autheurs de vostre secte. Car ce que vous tenez, ne fut iamais receu en l'Eglise. Ie ne dy pas, qu' il n 'ayt eu quelques particuliers, qui ont eu les mesmes opinions, comme Berengaire, Wiclef, Iehan Hus, et quelques aultres. Mais ilz ont tousiours esté reputez et condamnez comme Heretiques. Or ça, pesons vn peu vostre dire, et regardons s' il n' en viendra pas des inconueniens, esquels i' estime, que vous mesmes seriez bien marriz de tomber. Croyez vous pas en la Trinité? Ouy. Or n' y croyez pas, car on ne trouue pas ce mot de Trinité en l'Escripture. Le Filz est il pas en substance egal au Pere? Si est. Mais ne le croy pas, car ce mot de consubstantiel ne se trouue n' en l' vn n' en l' autre Testament. L'Eglise Catholique reçoit sept Sacremens, mais vous n' en receuez que deux, le Baptesme et l' Eucharistie. Or si vous voulez arrester à vostre dire, de la parole expresse, ne l' vn ne l' autre ne sera Sacrement. Car on ne trouue point en l' Escripture, que ne l' vn ne l' autre le soit.

vgl. I 30-6

I 20.

I 23—25.

I 20.

I 137.

I 137.

I 138.

Voyez vous pas les inconueniens, ausquels il vous faudroit tomber, si vostre dire de la parole expresse auoit lieu? Mais passons vn peu plus outre: Est ce pas directement contre l'Escripture, de ne recepuoir rien qui ne soit escript? Le Prophete Hieremie auoit il pas predict, que la Loy Euangelique s' escriroit au cueur des hommes? Plusieurs Années deuant que les Euangelistes escriussent, y auoit il pas vn grand nombre de ceux qui croyoient en Iesu Christ? et neantmoins il n' y auoit rien par escript. Les Euangelistes mesmes ont ilz tout escript? Nostre Seigneur n' a il pas dict à ses Apostres, qu' ilz ne pouuoient tout porter? Le saint Esprit que nostre Seigneur promist de leur

I 139.

I 140.

B. i r.

*Hiere. 31.**Ioan. 16.**Ioan. 14.*